

四庫全書

集部

欽定四庫全書

集部
溢水集卷八
十至

詳校官中書臣沈 颺

主事臣呂雲棟覆勘

覆校官中書臣呂雲棟

校對官助教臣汪錫魁

膳銀監生臣黃 佑

欽定四庫全書

淦水集卷八

金趙秉文撰

絕句

春遊四首

草荒一徑抱村斜日暮初歸拜掃車猶有飢鴉來攫肉
覘人飛下杜梨花

又

無數飛花送小舟蜻蜒疑立釣絲頭一溪春水無情甚

皺作風前萬疊愁

又

樹藏修竹竹藏門門外清流幾股分行過小橋人不見
背陰花氣隔牆聞

又

煙外絲絲風柳斜春光也自到天涯太平有象村村酒
寒食無家處處花

題扇頭

文書勾引黑甜鄉倦枕拋書午夢長夢裏砑聲驚雨雹
覺來牕隙有斜陽

平湖戲鴨圖

平湖飛下盛雙紋翻動江南水底雲盡日自來還自去
塵埃滿眼不如君

暮歸

貪看孤鳥入重雲不覺青林雨氣昏行過新橋沙路黑
忽從電影得前村

正覺院

齋時一鉢僧上堂履聲如水度秋窗秋陽滿地槐陰薄
幽鳥飛來施食幢

登嵩頂

危躡嵩山頂上來五髯龍對八仙臺不知眼界濶多少
直盡黃河一曲迴

少林

只麼西來坐面牆更更一法付神光少林自有吹毛物

三十六峯如劍鋸

石樓

月約風期屢往還
水聲山色石樓間
大家也入香山去
那箇心如白傅閒

嵩山道中二首

為愛青山懶著鞭
吟詩時作鶴頭偏
驀然得句驚飛鳥
撲簌巖花墮馬前

又

屋頭山色靜無埃竹裏柴門水際開驚怪籬中大迎吠
有人知自碧嵩來

題南城樓

樓上遙看郊外邨不須騎馬坐平分人家應在青山外
時有歸牛下白雲

香巖寺壁

一夕秋風變素商蕭蕭雲物換新涼片雲不作前溪雨
飛過高城有底忙

題扇頭

魏三句裏數聲櫓秦七詞中萬點鴉好在團團明月底
一灣流水幾人家

三學院對月

何年覲佛月天子各以寶花樓閣俱為問上方銀世界
不知有此夜寒無

清居寺五杉亭觀子野留題

五杉亭下祇三株曾是詩人歎息餘君去我來杉尚在

斷腸君歿見君書

回春谷

冰崖雪柱道人家
谷榜回春事已夸
却恐陽和在泉底
未春先發忍冬花

秘魔巖

鐵鎖關藏五百龍
文殊遊戲作神通
山僧要辨金剛眼
莫謂魚鰕在此中

登萬聖閣

中州之山臺山高遍尋五頂無乃勞老去看山無腳力
直憑一閣了秋毫

馬頭

天外亂山圍曠野水邊孤塔背層城馬頭才指桑乾路
愁見行人問去程

趙橋

天垂曠野初疑合地轉深巖忽似窮偶向高崖聞笑語
寒春一帶夕陽中

鷄鳴山

煙蒸山腹晴猶濕
河帶冰漸暖漸流獨上鷄鳴看出日
五雲多處是皇州

盧溝

河分橋柱如孤筍
路入都門似犬牙
落日盧溝溝上柳
送人幾度出京華

漁陽道中

盤山曾借上方眠
落月蒼蒼響石泉
夜半峰頭聽鳴鹿

半崖松子落堦前

達北京

小車日日碾征塵
臥即看書坐欠伸
露宿風餐二千里
青山無處不隨人

龍山怪松

自笑書生骨相窮
倒騎驢看兩三峯
天東稍喜無碑讀
踏雪還來看怪松

東京見梅

二月天東凍未蘓梅花市骨也清癯一枝萼綠來千里
為問東君管得無

遼東

幾家籬落枕江邊樹外秋明水底天日暮沙禽忽驚起
一痕衝破浪花圓

北都雪望

千山雪盡出樵車一逕雲迂去似蛇小屋平頭墟落裏
炊煙起處是人家

北都小雪

邊城小雪試年華
烟冷貔貅十萬家
探使不來人半醉
將軍羶帳卓平沙

襲香亭二絕

小橋虹影截波光
面面荷花鏡裏粧
風月要知無盡藏
一亭分作兩亭香

又

黃堂公退吏人稀
露下西溪鶴未知
一榻清香無著處

曉風殘月獨來時

錦波亭

柳影攜書步晚涼
清溪放閘水泱泱
宵中經緯天機錦
閒却小亭風露香

雨晴二首

東風時送瓦溝聲
欹枕幽牕夢自驚
睡起不知雲已散
夕陽偏向柳梢明

又

一抹平林媚夕暉
山烟漠漠燕飛飛
倚闌遙認天邊電
何處行人帶雨歸

靈感寺二首

斜廊深院斷人行
雪聚松了立鳥清
僧臘數殘門乍啓
驚飛碎語獨含情

又

青山隱隱入烟微
一日看山坐水涯
何事晚來風截斷
獨看白鳥過林時

雞鳴山下橋

兩山相對翠屏開
一水中流碍石迴
橋北橋南路分處
紅塵一騎日邊來

和舜元襟詩二截

瘦馬龍鍾兩鬢華
敲門避雨野人家
門前籬落猶懸露
十里晚風吹斷霞

又

三五殘星闕角東
淡黃楊柳月中明
中貪看稚子收殘葉

駐馬天街滿袖風

聖安小集

松軒却扇風仍好
苔逕無花雨亦香
門外市聲塵午枕
老僧原不下禪床

和子約立春

唐虞禮樂歲元新
齊魯中書有大臣
泰和三年調玉燭
衣冠萬國拜王春

二青圖

大青天驥之雲仍小青八尺猶龍騰三十年來無汗馬
不將遺像鑄興陵

古北口

幾家墟落兵戈外數畝荒田谷澗中日暮圍場來野鹿
令人長憶筆頭公

撫州二首

蕭寺金風動剎竿西北北斗掛闌干一蟲不響夜更靜
片月未高山已寒

又

燕賜城邊春草生
野狐嶺外斷人行
沙平草遠望不盡
日暮惟有牛羊聲

北苑寓直

柳外宮牆粉一圍
飛塵障面倦斜暉
瀟瀟幾點蓮塘雨
曾上詩人下直衣

寓望

蒲根閣閣亂蛙鳴
點水楊花半白青
隔岬風來聞鼓笛

柳陰深處有園亭

戴花

病來酒盞懶重持
強為殘花折一枝
人老易悲花易落
東風莫近鬢邊吹

玉堂二絕

玉堂看到午陰移
日暮春闌下直遲
悞喜交番旗脚轉
隔牆送過小桃枝

又

玉堂陰合冷牕紗雨過銀泥引篆蝸萱草戎葵俱不見
蜂聲滿院採槐花

西溪

山根西北塵沙少水際東南風月寬盡日朱門人不
到
鳬鷺引子傍闌干

夏直

玉堂睡起苦思茶別院銅輪碾露芽紅日轉堦簾影薄
一雙蝴蝶上葵花

過邯鄲

十五年來忝一炊叢臺重覓舊題詩而今馬上行人老
不似當初過趙時

臨洺

聽山洺水送還迎世事浮雲幾變更白髮重來相識盡
逢人欲問小時名

真際栢

趙州東院庭前栢二百年來屈鐵柯莫怪兩株纏欲死

後來禪客葛藤多

滹沱

滹沱一箭截天來六月砮雷打土崖一夜北風吹岸改
直從中渡捧船迴

題闔立本職貢圖臨本二首

周王職貢朝萬邦右相丹青古無雙好本不應天下獨
解如明月印千江

又

金犀勢面覘天庭王會圖中見典刑已了宣威沙漠事
更煩右相寫丹青

墨梅

畫師不作脂粉面却恐旁人嫌我真相逢莫道不相識
夏馥從來琢玉人

香山

山秀薰人欲破齋臨行別語更徘徊筆頭滴下煙嵐白
知是香山境裏來

夏日

樹木交陰鳥自呼
遽遽殘夢破華胥
虛簷一道風如水
展盡牀頭幾葉書

太寧吟詩臺

雨中

易州山水甲天下
一日太寧如死灰
山意似羞人識面
雨昏丞相賦詩臺

涑陽道中

石頭犖确水縱橫
人在青山影裏行
忽悟過溪驚笑語

斷崖茅屋暮春聲

昌平狄梁公廟

力扶滄海將頽日
目送西山不盡雲
一邑豈能專惠愛
至今天下不名君

燕

宦遊憐我食官倉
贏得青青兩鬢蒼
不會無情雙燕子
南來北去為誰忙

靈峯院

天門劃斷兩崖青
拄杖靈峰頂上行
一片白雲巖下起
不教眼力盡東溟

湧雲樓雨二絕

片雲頭上一聲雷
欲到冠山風引迴
窗外忽傳林葉響
坐看飛雨入樓來

又

簾雨風斜不上鉤
闌干吹濕怕人愁
雷聲驅雨東山去
捎下斜陽恰半樓

樓上二絕

樓頭四面好風生
下與遙山一樣平
睡起紗幮欹枕處
恰如水底看雲行

又

山城過雨怯衣單
清曉樓頭六月寒
却喚奚奴添半臂
要乘涼氣倚闌干

登晉陽閣

坡陀勢盡晉川開
一綫汾河掌上來
斜日西風倚高閣

白鳥飛過天門回

中山會故人

三十三年役夢魂故人老盡一身存
燈前細雨當時話別後相思誰與論

下直

綠槐陰裏鳥呼風退食涼生襟袖中
滿地綠苔承步障
楸花無蒂落深宮

潭上二首

倒影花枝照水明
三三五五岸邊行
今年潭上遊人少
不是東風也世情

又

日斜飛盡往來塵
為怕春愁戀酒樽
醉裏不知歸去晚
先聲留著顥華門

宿王佐宅

鞍山柘水事茫茫
猶記同遊宿上方
老大重尋窗下宿
殘經掛壁故人亡

燕子圖三首

一別天涯十見春
重來白髮一番新
心知話盡春愁處
相對依依如故人

又

祝爾區區萬里身
錦書回寄莫辭頻
而今塞北看雙翼
多少中原失意人

又

交親消息兩何如
滿眼兵戈不得書
為問南來新燕子

銜泥魯復到吾廬

送人之河中

功名蟻穴夢南柯
投老空門不較多
試看鐵牛無用用
橫身終古負黃河

題李平夫畫黃山蹇驢詩圖二首

浮光林杪水參差
意想先生得句時
千古黃山山下路
蹇驢不是少人騎

又

三十年前濟水東詩中曾識塞驢翁而今畫出推敲勢
却恐相逢是夢中

中秋日郊外遇雨

斜風吹雨水生寒荷蓋傾珠下芡盤驚起鷺鷥眠不得
衝烟飛過蓼花灘

登定安閣

春風吹袖著欄干薄霧初收雪未殘擬折梅花遮遠日
愁看直北是長安

滎陽古槐

滎陽縣東千古槐人言曾見漢朝來不知幾覺南柯夢
直至如今喚不回

虎牢

兩山峽束枕洪濤自古英雄爭虎牢蒼天胡為設此險
長使戰骨如山高

新安道中

草根啾唧候蟲鳴月黑山腰信馬行夾路水聲長在耳

六根先得一根清

滄水集卷八

欽定四庫全書

滄水集卷九

金趙秉文撰

絕句

遊華山四首

石頭硤聲水縱橫過雨山間草屨輕
未到上方先滿意
倚天青壁看雲生

又

我與青山有舊盟
淡雲微雨忽渝平
朝來自獻三峯面

真箇山神不世情

又

仙人仙去有仙掌袖中擲下青芙蓉遺與楊羲書一紙
暫留笙鶴駐中峯

又

玉龜山下古仙真許我天台一化身擬把嶽蓮騎白鶴
下看浮世幾揚塵

河上公廟

河上丈人忘姓名一編道德了一生時來河上觀物化
投膠欲變黃河清

稠桑谷遇雨

窮秋兩渡稠桑谷馬滑還經險路過騎上下山三十里
天教衝雨看黃河

濟源四絕

歌管年年樂太平而今鈺鼓替歡聲裴公祠下無窮水
好乞餘波為洗兵

又

祠前繚繞無窮水竹杪參差不盡山極目水窮山盡處
天壇猶在白雲間

又

樹映樓臺水映空溪容林意兩溶溶夏山如醉無人畫
遠處微茫近處濃

又

穆穆雲木曉相參寺枕龍蟠十頃潭一徑通幽竹深處

居人指似侍中庵

山行四首

終日看雲不忍還
馬蹄聲確兩山間
雨聲欲到詩人耳
雲氣先濛一半山

又

漠漠青田鷺啄苔
背人飛去又飛回
青山影裏啣青稻
知自濟源枋口來

又

樹根繫棧水淪漪雨裏看山大奇不見文公陳迹在
摩挲苔壁認題詩

又

玉柱峯前紫翠堆道人架竹引泉來穿雲絡石無人見
下赴龍門作怒雷

雨晴

一春無雨作泥香碧瓦朝來泛霽光留得紫薇花上露
幾招渴燕下雕梁

一雨

遙望叢林一壟孤
蹇騎日轉古城隅
夜來一雨添新漲
湫澗灘頭漸欲無

和楊尚書之美韵四首

河南夫子兩程公
要與洙泗繼後塵
濂溪先生為張本
舞雩風裏浴沂春

又

東萊兩本不朽計
讀詩源委有本因
傷哉絕筆大事記

續經未了已亡身

又

諸公辨論助怪驚削去訓傳非人情大公至正本無我
吾道初如日月明

又

漢儒俗學欺盲聾獨有一士超樊籠君家子雲晚治易
聖人門戶見重重

題劉德溫畫湖山豐夏橫幅四絕

聞道神仙郭恕先，曾將清夏寫湖山。
而今寶墨歸天上，時許劉郎見一斑。

又

湖山清夏不應豐，一逕林陰水石中。
六月涼生清蕩底，釣魚船上一絲風。

又

風來山脚水淪連，林影參差舞鏡天。
袖却長安遮日手，綠陰多處弄潺湲。

又

遠處微茫近處濃
岸容林意兩溶溶
夏山如醉無人畫
更倩劉郎作幾峰

題東坡畫古栢怪石圖三首

荒山老栢枿擁腫
相伴醜石反成妍
有人披圖笑領似
不材如我終天年

又

人生散材如散木
槁死深山病益奇
放出參天二千尺

安用荒藤纏繞為

又

東坡戲墨作樹石筆勢海上驅風濤畫師所難公所易
未必此圖如此高

雪望

吹面風來受雪寒寶花樓閣五雲端船移忽破瑤瑤影
丹鳳橋邊駐馬看

蟬

薄薄秋雲兩翼輕
淤泥脫迹便恢聲
可能枵腹涼陰底
受盡人間風露清

三蘇帖二首

他年鴻鴈各分飛
風雨蕭蕭有所思
猶記讀書懷遠驛
夜深燈火對牀時

又

君家一日會三蘇
翰墨人間今古無
時向明窗展橫幅
不須更寫德星圖

即事

樓頭不見暮山重
遙認青林雨意濃
一陣風來忽吹散
斷雲還補兩三峯

宿朱家寺

撤幕風來遠更清
窓間野曠見雲生
夜深古殿無燈燭
畫壁時因掣電明

金水河

金水河邊駐馬時
熙春閣外夕陽微
舊時同樂園前水

曾照寒鴉幾度歸

晚登太史臺二首

雲鏤殘陽一線金
西風吹雨破層陰
歸鴉怪得紅翻背
返照依依在遠林

又

市橋落日與波平
返照前灣別舸明
不覺城頭來暝色
回看天際暮烟生

管幼安濯足圖

道喪何人識重輕
白頭不作魏公卿
滄浪濯足知君意
濁水那能免我清

龐才卿畫長江圖

青山隱隱水悠悠
何處長江是盡頭
欸乃一聲人不見
忽從天際下歸舟

淨安寺紫臘梅

倩誰傳語主林神
莫以時宜鬪斬新
只是舊時黃面老
而今現作紫金身

題移刺右丞畫雙鹿二首

忘言老人寫雙鹿筆力不減東丹王
右相丹青乃餘事
向來勲業扶明昌

又

當年扈從直長楊想見秋山槲葉黃
沙外小灘圓似月
眼明雙鹿噉斜陽

坡陽歸隱圖

年過六秩尚蹉跎奈此坡陽歸隱何
不是不歸歸未得

家山雖好虎狼多

九日繁臺寺

九日登臨一散懷
繁臺寺下挿花回
空明衣上波光動
知是扁舟泛月來

道旁古槐

虬枝盤屈尚百尺
不肯為人充棟梁
六月行人汗如洗
尚能于世作清涼

昭君出塞圖

無情漢月解隨人羞向天涯照妾身聞道將軍侯萬戶
已將功業上麒麟

子卿歸漢圖

節毛落盡始歸來白髮龍鍾老可哀猶勝生降不歸漢
將軍空有望鄉臺

龐才卿畫春山高隱圖

了無車馬到山家門外春風掃落花春入山間人不見
無時無處不煙霞

同樂園二首

春歸空苑不成妍
柳影穆穆水底天
過却清明遊客少
晚風吹動釣魚船

又

石作垣牆竹映門
水田山複幾桃源
毛飄水面知鷺柵
角出墻頭認鹿園

遊上清宮四絕

陰陰垂柳淨朝暉
城郭山林果是非
步遶仙壇香露濕

紫玫瑰刺腎人衣

又

醺罷琳宮日更長
坐看幡影午悠揚
幽人喚起青童睡
苔逕掃花筠簟香

又

細細薰風淡淡陰
過雲拋雨上花心
黃鶯渴味沾微潤
飛上高枝作好音

又

細雨薰風未熟梅仙禽啄實下莓苔夏芳將盡無多景
紅白葵花相背開

中牟陽水篆

龍蛇起陸蟲蝕木商盤周鼓秦刻餘中牟三異今則四
斷碑殘缺陽水書

過楊太尉墳

直道從來自不容斷碑千載尚塵封潼關關下墳三尺
清節高于太華峰

過長安二首

漢苑秦宮半夕陽
年年春色管興亡
霸橋斫盡青青柳
不為行人也斷腸

又

茂陵玉盃苔痕土
魏帝金盤月泣津
獨有乾陵陵上栢
年來風雨不能神

草堂

幾家籬落掩柴關
盡在浮嵐湧翠間
稻壠明邊通白水

竹梢缺處補青山

過咸陽二首

獨立橋邊望白雲
摩挲古塚石麒麟
千秋萬古功名骨
盡作咸陽原上塵

又

上林池籞鎖芳塵
直抵南山不屬人
世事千年陵谷變
千村桑柘鶉鴒春

題東坡與佛印帖

魯公食粥已數月蘇子探囊無一錢身後胡椒八百斛
爾曹堪笑亦堪憐

呼羣鳴鹿二絕

麕斑剥落錯古錦麕角輪囷生肉芝
呦呦誰見呼羣態
憶在秋山扈從時

又

霜林楓葉動秋山誰道呦呦物性閒
同類呼羣更媒禍
世間何處不黃間

五嶽觀

瀏瀏清風下曲阿
亭亭午影轉庭柯
簾虛不捲通明處
時有流鶯趁蝶過

夜

惓惓小雨一燈熒
猶記靈宮夜叩扃
遶樹驚烏棲不定
踏翻栢子落堦庭

曉

一聲鶉鴉喚年芳
底事驚回蝶夢長
獨倚闌干梳白髮

滿襟清快晚風涼

暮

移牀坐到晚涼時
手弄清泉似小兒
古觀無人蒼栢暗
偶看宿鳥暮爭枝

荔枝圖

雨滴鈴聲蜀道長
都緣一曲荔枝香
宣和無限丹青手
好畫當年花石綱

臨韓幹馬

秋日平原看肉飛千金市骨眼中稀
世間賴有丹青手
韓幹丹青又已非

載梅

滿車飽載梅花共車聲幽幽不成弄
月落參橫畫角哀
橫眠正作梅花夢

鴻溝

山川依舊霸圖空楚漢分溝一呖中
金翅鳥王分海立
却應莞爾笑英雄

遊崆峒四絕

西鄰鳥鼠北朝那
涇水東流入大河
一上參雲亭上望
山川滿目夕陽多

又

金湯形勝滿秦中
戰鼓驚飛北塞鴻
為向崆峒山試道
可能高枕聽松風

又

斷碑零落任苔封
想像當時問道宮
烟鎖洞天三十六

時人空禮白雲中

又

萬松聲裏暮濤寒盡在參雲一望間只欠懸流二千尺
天風吹下翠屏山

題東巖道人讀書堂

山頭佛屋五三間山勢相連石嶺關名字不經從我改
更稱元子讀書山

哀李平父

平父能
詩善畫

妙畫清詩絕點塵丹青才了已無身釣臺即是西川路
長使羊曇淚滿巾

洮石硯

何年洮石鴨頭綠磨研來伴中書公乞與玉堂揮翰手
便欲草檄繫西戎

跋黃華墨竹二首

老可能為竹寫真東坡解與竹傳神墨君有語君知否
須信黃華是可人

又

澹墨閑臨謝女真蕭然林下自風神
世間亦有丹青手只解尋常寫市人

閏八月十八日會同館諸公同賦五絕

一年十二度圓月及到中秋此夜偏
天意自憐風露爽更教明月十三圓

又

閏年都未有新霜探借秋花十日香
徑約同僚同一醉

有花有酒即重陽

又

太平勝事古難并

坡以把酒賦詩為太平勝事

且盡清歡伴醉醒座

上少年三館秀也知旁有老人星

又

老去追歡強不能少時戀酒似痴蠅佩刀左右更相笑

我已年來絕愛憎

又

賓主相忘間濁清坐中談笑雜歌聲道人嘿坐無分別
總是秋風萬籟鳴

馬上見桃花

可憐馬上逢春色不得明牕貯古瓶祇恐東風易零落
兔葵燕麥又青青

列子廟二首

天祿讐書已斷編枉將放蕩雜真筌如何得似東臯子

刪却楊朱力命篇

文粹有刪
東臯文

又

東土西天一幻緣先生古佛豈其仙
攬蓬指處無生死
勘破羈縻未兆前

翠微寺二首

南山常愛退之詩未說雲烟潤色之
要見山光如潑黛
更須留待雨晴時

又

南山深鎖翠微宮寺在山南十里東
祇怪朝來衫袖濕

不知身在翠微中

宿索水

楚漢相隨京索間
路人指點舊河關
英雄成敗一丘土
雲自高飛水自閑

平泉店逢夏使

穹廬毳服異華風
馬上相逢一笑同
贈我何勞統朝策
賀蘭千里已宵中

暮春用寒字韻二首

柳陰彩艦繫朱欄樓外鞦韆擲畫杆
被楔人歸池館靜
吹花風急皺波寒

又

一年芳物已闌珊年少春愁為牡丹
村落人家雨前後
蓬牕罩紙護蠶寒

初聞鴈

囑爾南來新鴈羣封書好寄未歸人
天涯憔悴多風雪
回首中原又一春

宿遂初園

病身三日園亭坐自慶還須把一盃猶勝西隣王學士
金門到老不曾來

溢水集卷九

欽定四庫全書

淦水集卷十

金 趙秉文 撰

雜體

詔赦國書表冊文誥附草本中十取其一二

擬元稹長慶新體戒諭

予新即大政承元和師旅之後軍國庶務有所未明尚
賴股肱元輔文武庶僚同寅戮力叶贊太平之功如聞
有司罔克勸相翫歲愒日習以成風因循者苟歲月以
養資罷懦者託疾病以廢庶爾既若此予何賴焉爾尚

明時予言用孚汝聽掌刑者毋以私情廢公法俾有冤抑之情典選者毋以小節妨大務俾有留滯之歎掌計者出納之吝固防濫予取不以道亦傷吾民毋縱哀刻俾有流離之嗟曰諫官御史汝惟耳目其有大利害具以聞毋毛舉細事以塞重責曰守令兵役之後吾民甚苦毋怠撫養毋為蠹賊曰採訪使敦本察吏時汝之責汝其察吏治以催科為名肆侵漁者曰將帥汝典戎律勗爾偏裨儆爾師徒殄殲乃仇以復我高祖文皇之境

土爰暨將校汝皆功臣之後母忝爾祖考其尚蹈果毅
毋敢冒我糗糧毋私役爾卒伍毋與親民之官妄分彼
此昔我烈祖暨乃祖乃父胥及逸勤勲在王府以有此
境土共享太平之福相在小民尚不忘累聖涵養之恩
况我有官君子世受厚恩身被厚祿營已自私獨不為
朝廷惜乎嗚呼厥亦惟我憲考賞明罰公衆職修理成
法具在我其敢弗率爾尚一乃心敬乃事厥有成績朕
不汝吝其或弗欽邦有常刑朕不庸釋治業赴功可不

勉歟

諭陝西東西兩路行省詔

比以北境稱兵西鄙為重肆遣將帥以衛封陟仍申命于大臣以分領于行省其責不為不重其任不為不優如聞彼軍深入夏境倘邊方之少警將內地之可憂雖九廟扶持素為神明祚也而一時利害不為社稷慮乎若非協力以蚤圖恐或噬臍之不及其體此意以究爾圖於戲進退軍之密謀朕不從中制也安危國之大計

卿其以身任之可守可攻各度其勢或犄或角一從所
長毋失事機勉圖成效

詳問書

云云兩國和好幾及百年南北生靈不見兵革波之所
及我之餘也不圖曩者泰和間彼國君臣狃于鬻勇鬻
禍之言妄有無名之舉我朝不得已以兵應之彼既異
始圖不克逞志于我於是有增幣易叔以伯之請我章
宗皇帝重念彼國傷殘之故曲從和好仍歸淮漢已得

之地恩至渥也既許乞盟之後庶幾為度德量力之事
謹畏天保國之戒豈意利我虜覺頓違盟誓累年謫詐
不貢歲幣帥我叛亡以蕩搖我邊陲我邊臣憤怒自率
所部以報東門之役庶可少懲矣且復保我連水煽惑
我山東之民造釁百端不念伯姪無窮之好僥倖于不
可知之勇似不審輔車相依之勢將復陷覆車之轍也
我廷臣固請曰彼忘累聖之恩幸吾一旦之警自以鞭
長不及馬腹不知牛雖瘠債於豚上其可幸乎便可興師

聲罪往伐尚念彼界生靈何辜故遣使臣先以文告仍
以大兵壓境若能改圖一遵舊約則又何求如其不然
自啟禍端罪有歸矣既違三靈之心恐貽九廟之悔事
勢至此雖欲乞和不可及已故令詳問其審圖之云

答夏國告和書

以生民為心不以細故而忽生民之命以天下為度不
以私忿而傷天下之功惟我國家奄宅中外威制萬里
恩結三方高麗叛歸却而不受孽宋既服免其稱臣苟

可利於生靈有不較其名分矧惟大夏時我寶隣盟誓
既百年于茲恩好若一家之舊乃者北兵之大擾因而
東道之不通豈意同盟墮此姦計俾我兩朝之交贊至
于一矢之相加幸上天開悔禍之期使赤子有息肩之
望茲紆信使特枉載書恐以一朝之違遽忘累世之好
審此輔車之勢屬吾唇齒之邦與其厭外夷之陸梁孰
若結諸夏之親昵惟茲不類乃我同讐當人心厭亂之
秋見天道好還之意衆既烏合罪復貫盈彼物極則終

衰此數離而復合且闔牆猶可以禦侮况同舟何患乎
異心既有成言當如來約自今既盟之後云

回宋國賀正旦國書

春陽啟序適當獻歲之辰使驛馳緘遠預履新之慶旅
陳羈幣備縟情文具孚誠意之休益締信盟之好

回宋國賀萬年節

陽和應律適臨姑洗之辰使介馳軺遠賀誕彌之節肅
陳禮幣祗達近函覽誠意以具孚保歡盟而益固

回夏國賀萬年節

逵馳使驛來展賀儀念誓好之方隆故情文之俱盡其
為浣懌曷罄敷陳式屬涼秋善綏福履

統軍謝免罪表

誤軍期者無赦邦有常刑忘人罪而責成君之大德已
蠲前愆仍玷新恩中謝臣聞王者使臣功不如過人臣
報國死不顧生要之能至于成功可以粗償于宿負一
昨臣分屯西道俾捍北陲粗寘營屯稍增塹壘皆本授

之成筭固無取于瑣才朝廷察臣小心寄臣大任委之以精兵之地授之以專對之權庶知虜情預為邊備而臣才微責重識闇慮輕誘未識于楚羸敵妄言於邾小遂闕儲胥之備尚遺宵旰之憂大則寘之刑典小則削其仕籍國曰可殺臣猶自知豈意隆恩曲全微命枯骨復肉寄面何顏尚且慮臣以輕敵損威憫臣以積憂致斃謂臣智雖失料心則無他盡棄前瑕許圖後効激昂有地奮躍呼天此蓋伏遇皇帝陛下燭物以明及人以

恕忘曹沫三敗之辱要孟明一戰之功遂致辜囚復塵
任使臣敢不洗心知悔畢志改圖再三經畫之籌庶裨
帷幄萬一生成之賜少答乾坤

進呈章宗皇帝實錄表

臣等言伏以唐虞之際有典謨茂彰洪烈文武之政在
方策迄為顯王自昔人君必存史籍既有其豐隆顯懿
之德亦賴夫溫醇深潤之文鋪張對天之洪休揚厲無
前之偉績然後事辭不苟聲實相當伏以章宗皇帝聖

敬日躋聰明時又光膺大業祇述先猷稟大有為之資
千古挺出行不忍人之政期年有成發廩粟以賑貧窮
置外臺以審刑獄罷征歛于即日減稅租者累年敦勸
農桑裁定制度孝承祖廟款謁大壇秩曠古之無文定
國朝之大禮生徒徧學校冠帶圜橋門煥乎之文足以
藻飾百度赫然之怒足以震疊萬方始以殷高之明鬼
方肆伐終然宣后之烈淮夷來舒故得孽宋增幣以乞
盟韃韃革心而効順西服銀夏東撫辰韓歲時相望琛

賁入貢由是蒸為瑞氣散為祥風神鳳來翔寶鼎出現
野蠶成繭嘉穀旅生至于奎壁之文河洛之畫日月出
矣光其不亦難乎江漢濯之皜乎不可尚已尚却薇稱
而不受愈彰聖德之難名二十年間鼓舞太和之詔億
萬世後光華惇史之書况夫良將之遠籌賢相之婉畫
所表忠臣節婦所舉異行茂才本兵興賦之繁生齒版
圖之數所宜具載以示方來欽惟皇帝陛下夤紹燕謀
思光前烈謂信書之未畢恐遺美之不昭深詔儒臣詳

為實錄往在東海之際已抽中秘之書踵此編年俾之
載筆屬典冊之未上值虜寇之不虞師旅繹騷篇秩散
逸欽承聖訓復命編摩徧閱官牒曲加搜訪然而起居
注有所未備行止錄有所未詳或據摭于案牘之餘或
採拾于見聞之際載之行事誠咸五以登三及此成書
懼掛一而漏萬臣等所編成章宗皇帝實錄一百卷并
事目二十卷摠計一百二十卷繕寫了畢謹具進呈伏
望聖慈曲垂省覽臣文章暖昧學術空疎遺美不彰雖

乏三長之妙直辭無愧庶伸一得之愚云

上尊號表

率籲衆願祇薦鴻名奉綸命以未俞慮精誠之未至輒
申前懇仰瀆宸嚴伏冀矜從以期得請臣聞乾坤之量
無得而形容日月之光不勞于繪畫其有功叅化育理
謝名言應帝王之迹蓋出強名殫臣子之誠又烏可已
欽惟皇帝陛下天姿英粹聖學緝熙宣列聖之重光席
太平之休運文物煥乎三代聲教浚乎八荒爰自即位

以來專以愛民為務置常平以脩水旱遣信使以勸農
桑三獻之外也尚慮囚徒萬機之餘則親覽章奏減樂
府出宮女定律令正禮儀闢儒館以崇文繪功臣而厲
武恢土德以大中原之統繚塞垣以杜外夷之虞所為
經畧萬方彌綸百度大功非止于數十聖德未究其毫
釐是以德澤之流霧湧雲蒸瑞應之至山湧水出神鳳
翔于磁郡寶鼎出于汾陰年穀屢豐邊鄙不聳時雨赴
感瑞雪應期天人之際已交上下之望咸塞由是勲戚

庶政文武具寮縉素之流耆艾之屬其願薦鴻稱者以億計而久曠大典者踰十年尚虞庶政之闕遺復慮榮名之侈及夫稽政道不若察衆望守謙德不若建大中况此皇王之上儀祖宗之故事闕上儀而不舉皇王將有愧於前遵定制之已行祖宗亦有望于後使典禮而未脩豈臣隣之敢安若夫淵懿冠倫宥密基命發育萬物裁成兩間所以繼于天儲思穆清游心昭曠宵爾神略巍乎帝功所以法于道澤昭天泉恩及麇卵博施濟

衆視民如傷茲不曰仁乎雲漢天章金玉王度藻飾萬
物膠轕三光茲不曰文乎賞不間于賤踈罰不阿于貴
近其理財也取之有制其禦戎也動而有經茲不曰義
乎不怒而威不殺而服天戈所指則凶渠授首皇威所
殺則裔夷請臣茲不曰武乎窮理盡性无方可測謂之
神極深研幾無所不通謂之聖至明以照乎萬里之外
大孝以寧乎七廟之神臣謹上稽天心下察衆志謹與
文武百僚懃懃懇懇不勝大願固請上尊號云云伏望

陛下曲回淵聽俯察輿誠爰及陽春昭受顯號命禮官而諏日詔儒者以刺經參二帝以為三襲六經而為七編金刻玉坐膺脩物之儀拊石鳴鐘大講中天之禮四方來賀萬壽無疆臣無任云云

平章謝撫諭表

外虞肆靖方深重慎之懷中使俯臨俄示撫存之渥人微任重寵與愧并如臣者素乏壯猷濫膺間寄才雖無取心則靡皇欽惟皇帝陛下內恕及人至明燭物憫河

南之積暑知臣下之微勞臣敢不益勵懦衷仰酬睿澤
王事靡盬敢懷蒸淖之憂天威所臨即遂凱還之樂

車駕幸慶寧宮皇妃起居表

八月其獲適當講事之秋三歲乃巡尤見重民之意動
惟時順樂與民同欽惟深畧緯文睿謀經遠修己以安
百姓正家而御萬邦王業所基必本闕雎之化朝廷既
治乃講騶虞之由妾等留侍掖庭阻趨行闕女工載績
望虞舜之裳衣聖壽無疆期周王之福祿

又

王時以閏方欣萬寶之成出狩于田猶俟三農之隙豫
順以動益悅無疆欽惟乾坤其仁金玉其度駕言出狩
車既攻而馬既同無已太康民不勞而國不費屬霜秋
之戒候與聖體以御宜妾等留侍中閨阻朝外闕羽旄
有美想聞百姓之歡弓韜興祥更上多男之祝

百官起居表

民狎于野方農務之告成時邁其邦象天威而講武翠

華所駐和氣交形欽惟駿惠先猷動遵古制俎豆舉三
驅之禮羽旄形百姓之歡豈徒獲赤雁以作歌薦之郊
廟庶幾得非熊而應卜福大邦家臣等祇奉綸言叨釐
省務賡汾水秋風之作詛預羣官頌南山天保之詩願
言萬壽

閏月表

五年再閏雖云王者之居門一歲三田皆於農隙以講
事禮昭大獮歡溢綿區欽惟適奢儉之中叅文武之用

交物有則視民如傷世已治而戒事之無虞歲已登而
慮民之不給猶謹治兵之教載為省斂之行斂是大和
錫之純嘏臣等祇膺綸命留玷中臺即雲氣以望蓬萊
一心徒切祝泰元之授神筭萬壽無疆

樞密左丞授平章政事表

陳力不能方虞罪責捫心何有遽及寵光聞命若驚以
榮為懼中謝臣伏聞典策所載謂大官不可假人祖宗
以來亦宰相不專用舊或以內親于百姓而外撫于四

夷有非其人不付以事如臣者斗筭小器樗櫟散材偶
塵科第之微遂忝縉紳之列亦嘗忝中書之政叨左轄
之司徒累明恩無補國論天實鑒此臣猶知之偶邊隅
少警之初乃臣子効節之日當先行列况忝丞凝左右
樞省者四年來往東西之兩地賴神謀之經畧底外裔
之服降敢叨天功以私臣力伏惟陛下憫臣以簪履之
舊矜臣以犬馬之勞謂雖无術以補天或可因人而成
事綸言下逮中使俯臨官超四階爵躋一品人微寵厚

祿重身輕欲上章引避則慮瀆聽聞欲奉命驅馳則實懷慙懼臣之進退交集兢營意明聖之遠圖以羈縻之新附欲壓以重臣之勢敢懷乎小己之私敢不益勵初心誓圖後效天威不遠實臨過厚之忱聖德難酬仰祝無疆之壽臣無任云云

平章授左副元帥謝表

歌六月飭戎車利執言於醜勇作三軍謀元帥誤寘貳于庸虛聞命若驚撫心知愧中謝臣聞兵應者勝豈得

已而後興師出無名彼不亡而何待過勞聖慮臨遣將
臣如臣者樸以少文懦而不武雖為平鼠竊之寇而愧
匪鷹揚之材奉命已來以榮為懼然士氣已吞於吳會
而天誅未即于淮夷敢意兵符重叅閫寄此蓋伏遇皇
帝陛下功超將將道顯威威任臣而必以誠與人而不
求脩授之成筭折此遐衝遂致非才亦叨重責仍且頒
金而佐費錫藥以扶衰臣敢不佩賜孔懷味珍知戒饗
士廣分甘之惠勞師體止渴之仁是以似之敢後西平

之子不遑寧止尚寬南顧之憂

謝宣慰賜夫人葬賻贈龍腦水銀錦段表

伏以義不顧私既鑿凶門而出恩猶逮室更迂卹典之
華死況于生感深以泣中謝伏以君父之託受賑啓行
伉儷之恩從宜可貶方深國慮何以家為臣素乏將才
叨承闡寄罷踰其分釁鍾厥家仰累明恩俾光私室錫
龍求以為葬飲之具飾錦綺以為賻贈之資數極襄勞
恩深窀穸此蓋伏遇皇帝陛下冠冕至德體貌羣臣施

恩于既往之魂垂德于不報之所遂令朽骨亦沾餘榮
兒姪至于誓心犬馬猶知懷惠歿而有識應結草以知
歸生者可知至蓋棺而後已

平章左副元帥謝宣諭賜馬鉸具兎鶻匹段藥物
表

小醜亂常致干天討偏師壓境屢奏膚公豈能庸踈猥
承褒寵中謝伏以薄伐荆楚鋪敦淮濱來旬來宣增六
軍之氣不留不處成三務之功以至提虎旅之三千破

島夷之數萬孤城擒布異域獲嘉敢叨天功以為臣力
此蓋伏遇皇帝陛下仁心惻怛詔旨溫淳癯老為之聳
觀武夫至于感泣人百其勇士一乃心縱其前禽執此
醜虜捷無虛日賞不踰時撫戰士之勤勞優將臣之寵
錫遂令睿渥曲被微躬佩刀非斷割之才解帶乏羈縻
之術徒復驅馳聖策衣被天光奉命靡遑味珍知愧臣
敢不據鞍忘老執轡請行載惟筐篚之恩莫非民力尚
謹藥石之戒恐累主知不矜小捷之易成庶集大功而

圖報

謝宣諭生禽賊將田俊邁表

凶渠生致頓收一戰之功中使俯臨過沐九重之諭寵

光曲被感愧交并

中謝

臣聞周王歌六月之師殷高美

三年之克豈有偏將成師而出醜虜望風而奔捷以至

三一皆當百雖未馘孫權之首已能俘孟獲之降從古

罕聞于今為烈此皆一人授筭諸將協心謀不遺長臣

于何有欽惟皇帝陛下沉幾獨運羣策兼收慮小器之

易盈戒成功之難保臣敢不銘心聖訓畢志事機草木知威已振先聲之氣蜂蠆有毒更深慮勝之懷

謝宣諭破壽蔡州賊賜玉靶劍玉荷蓮蓋一隻金

一百兩內府段子十匹表

邊將奮揚屢騰捷奏聖恩重疊猥及非才功匪蕭規寵慚隗始中謝臣聞一勝一負兵家之常萬舉萬全聖人所獨方大統終歸于混合肆小寇適為之驅除蠢爾蠻荒于茲天討迨皇威之既振底賊壘之無堅有俘其凶

有馘其首釋圍城而復固絕歸路以幾殲其餘傷弓之
鳥不待絃之張破竹之威可迎刃而解殆將亘海以有
截豈止渡江而若飛伏惟皇帝陛下出內府之珍輟尚
方之品賜之惟服食器用寵其守城郭封疆樂武自知
何臣力之有也去病不敗亦天幸之致然如臣者素乏
壯猷叨塵閫寄帶其搢具有愧漢官之儀酌彼金壘徒
忝周行之置殆速在梁之刺終非躍冶之才欽惟皇帝
陛下干戈省躬衣裳在笥賤和氏之璧所寶惟賢捐陳

平之資所圖者大遂令異數曲被微軀臣敢不顧影知
漸飾躬自勵種德誓同於美玉許身願比于南金是以
似之雖未對前人之烈文之教也敢對揚天子之功

丞相謝過表

怪神不語諒天道之匪謔信偽難明亦人言之可察咎
將誰執臣猶自知中謝伏以甲觀儲祥甘泉錫羨茲為
社稷之大計豈勝臣子之至情而臣等易動浮言輒為
敷奏庶幾崑崙之賤或叶唐兒之徵豈謂以憑虛之言

冀无妄之福罪之大者天可欺乎欽惟陛下開日月之
明廓乾坤之德謂臣過在輕信察臣心則匪他赦其智
識之不明復以訓辭而諄諭臣敢不洗心加厲捫舌知
非報國無功但抑壽張之幻事君有義益堅畏慎之忱
禘禮慶成表

親祠祖廟有嚴裸獻之儀上順天陽蓋定尊卑之義禮
行一日風動四方欽惟御衆以寬奉先思孝吉蠲近日
款謁大官戒嚴之際則風雨順從將事之夜則月星明

哲祖考昭假福祿來宜惟熙事之脩成實太平之高致
臣預瞻隆禮祇侍齋祠神其格思昭一人之有慶君曰
卜爾酢萬壽之無疆

平章乞致仕表

思厚身輕莫有涓埃之報效力微任重豈逃天地之鑒
臨恐貽覆餗之羞輒有避賢之請中謝臣聞忠臣不敢
受無功之賞明君不能畜無用之臣然後朝議俞諧天
工無曠如臣者斗筭小器樗櫟散材早際休明偶塵任

使適邊隅之少警備行列以居前仰賴聖慈苟逃辜責
既委之要衝而獨當一面復預于帥閫而總統諸軍屬
聖主之嗣圖尚賊臣之稽戮但知除君側之惡不敢避
天威之誅豈意罪不汝瑕寵踰所望進貳樞機之重與
聞政事之繁內無張華經國之謀外無營平破賊之計
在承平之日不敢冒居况多難之時豈能有補加以門
膺世爵子尚主姻在君恩更何以加而臣才僅止於此
豈微軀之敢愛慮賢路之久妨伏望皇帝陛下廓日月

之明回雷雨之施別求俊乂俾就退閑使臣無居寵之嫌得安常分而國有求賢之助蚤致太平

賀立皇太子表

莊獻

繼體承祧尤重元良之寄立嫡以長式符公器之歸華
夏宅心天人同慶欽惟茂隆聖德誕受丕基深維永圖
早定大本重明麗正繼照則蓋取諸離一索得男主器
者故受之震上以隆廟社無疆之福下以係臣民咸戴
之恩羽翼已成豈藉商山之皓謳歌攸屬益知子啟之

賢臣等久沐天恩預聞國慶雞鳴問寢賡歌三善之休
虎拜颺言仰祝萬年之壽

左叅政乞致仕表

世屬艱虞必得非常之佐運遭明聖豈私無用之臣輒
瀝危誠仰干淵聽

中謝

伏念臣性惟樸魯材本下中素

好道家之言本乏時才之用偶塵任使無補消埃當聖
皇嗣位之初正國家有事之日不圖庸瑣獲玷選掄委
之以機務之煩加之以師旅之重王衍清談而本非經

國房琯虛譽而素不知兵在承平猶可冒居而多難將
何有補豈但人言之可畏實于賢路以恐妨況從改歲
以來已及懸車之際陳力就列不能者止投閑置散乃
分之宜豈可徒戀明恩久叨重任伏願皇帝陛下隆天
地之施廓日月之明憫臣以才不逮人固非飾讓許臣
以老當致政實不遑安庶寬罪戾之憂以畢始終之賜
全歸為幸得請是期

宰相為蝗生乞罪表

陰陽佐理濫居承弼之司蝗旱為災深負燮調之職兢
惶失措踧踖靡安伏念臣等以斗筭之材膺棟梁之任
外不能鎮四夷而撫百姓內不能調元氣而率羣臣徒
累明恩叨承重寄以致旱暵為虐貽當宁之憂螟螣繼
生為下民之害歲一不熟罪將安歸方聖主建中興之
功而臣等蹈素餐之責位苟冒處人其謂何伏願皇帝
陛下憫臣以無功而自慚察臣以有罪而自劾別求俊
乂許就退閑庶可下弭謗言上消沴氣則致天工之不

曠亦足為榮但令賢路以無妨猶云有補

封冊高麗王懿冊文

皇帝若曰分封樹屏實賴幹臣繼世象賢以崇有德率由彝憲懋明至公惟我祖宗經畧區夏亦大啟于土宇用綏懷于遠人朕若昔大猷紹休先緒乃睠東土惟我世臣宜加錫命之榮庸展幹方之寵咨爾起復知高麗國事王懿受材明敏賦性中庸有肅恪以裊身資忠信以行道惟乃先世荒于東埵象輅介圭啟封圻於大國彤弓錫

盾作藩屏于皇朝踐修厥猷不顯亦世爾暨汝父克成
厥終肇敏戎公嘉召公之是似女有良幹命申伯以于
宣是用畀爾苴茅績我祖考以永為我藩輔用追配於
前人於戲惟有德可以和人民惟謹度可以保富貴罔
曰弗克惟既厥心罔曰孔艱惟敬厥事慎乃服命律乃
有民往盡乃心典聽朕訓

前御史大夫張暉贈父萃卿誥

昔石建有醇德而一家萬石袁氏著仁心而四世五公

古有其人今乃親見某以德行為世檢以文學登世科
孫則尚書子維御史門閤之懿近代罕聞推其從來自
爾素積生而冠萬人之高選歿而膺一品之追榮其有
知乎亦足榮矣

叅政知事李蹊授左丞誥

君不借才于異代所資者當世之英豪天將降任于是
人必付以大賢之事業朕以寡昧獲紹基圖念祖宗開
創之艱思社稷久長之計而四郊多壘羣生未寧提封

未入于版圖陵寢尚霑於霜露中夜以嘆茲心靡遑期
得英偉絕俗之才以濟險阻非常之運疇若予采今得
其人具位李蹊器識邁倫才猷經世以文雅飾吏事以
術業贊廟謀比長外臺薛宣之政事已試召還中省張
鎬之籌策甚良是用貳我機衡進之丞轄於戲承平之
世中庸談笑而有餘多難之時賢哲馳驚而不足
解揚雄
身濟大業力恢中原幸得遭時其任以天下之重毋以
有已或負于人主之知勉盡乃心以稱朕意可改授尚

書左丞兼修國史加上柱國餘如故

許道真致仕制


安車蒲輪天子所以厚優賢之禮黃冠野服人臣所以
遂歸老之心其恩榮足以兩全而前後不可多得有臣
如此如卿幾人具官道直以方氣剛而大議論非世儒
所到名節以古人自期擢自先朝寘之諫列斥安昌竊
位已聞折檻之忠及梁冀伏辜方見埋輪之志朕初即
大位稔聞直聲起之于田里退閒之間超之于侍從論

思之地完備始終之節從容進退之間歎陽城之敢言
惜其將去念孔戡之既老挽之莫留特進一階榮躋四
秩華山拂袖最是為世上之閑神武掛冠猶不負山中
之相勉終晚節益介壽祺

道陵真妃制

古有六寢式奉宸闈天垂四星蓋隣北極朕祇承先帝
敬建掖妃載頒優異之恩以對柔嘉之則休符法相早
列邃庭左右圖史之規進退珩璜之節彤管有煒象服

是宜用光四德之書仍侈六珈之飾於戲攀軒龍而莫
及望絕鼎湖悵蒼梧之不從魂消澧水惟德徽之益遠
宜命數之敷陪尚深送徃之誠愈保安貞之吉



淦水集卷十